




Minggu, 18 September 2022

Ogen: Rut 1:20-22



Ibaba Tuhan Aku Mulih



Sura-sura ditingen toto si rusur kal sipindoken man Dibata e me segelah mejuah-juah, sangap ditingen ngaloken kerina si mehuli. Kinatana mekatep nge sigejapken la bagi pemindonta e jadi, lit pinakit, perjengilen entah la siangkan, lit lalap man tangkelen entah pe perbeben lalap la erngadi-ngadi. Tole erlajar kita arah kegeluhen Naomi, benana ia nadingken kutana lawes ku Moap, ia kalak si bayak ditingen anak-anakna pe ikut ras ia. Meriah kel ukurna sabap anak-anakna pe banci erjabu i inganna tading e.

Kejadin si la pernah ipindokenna, la pernah seh ukurna ku je pe e me kematen perbulangenna rikut ras kematen anak-anakna. Bas perjabun anakna e langa lit sada pe kempuna. Adi sigejapken enda perbeben si mberat kel janah lanai terukuri pe. I je me ia mulih ku kutana, labo alu kinibayaken entak kesangapen tapi kegeluhen si dem perbeben, piahna lanai ia pang jumpa ras kalak. Kune jumpa pe ras kalak isalihkenna gelarna Mara.

Bas perpulihna sada pengakun sibelasken Naomi maka Tuhan maba ia mulih. Alu getem i bas pusuh, kelsehen si mberat, kiniseran si pagit ras kemusilen mulih ia ku kutana. Kerina e igejapken Naomi selaku ukumen i bas Dibata nari, sabap itadingkenna kutana tupung lit perbebe i je. La ia nggit ngalaken kiniseran i kutana, kiam ia ku Moab. Kepeken terberaten si man alanken i Moab. Igejapna erkiteken la ia reh ku Tuhan tupung lit persoalen, idaramina serpang puluh si sada, la kepe ia ngasup. Itadingkenna kutana bali akapna ras nadingken Tuhan e maka kiniseran jadi sikerajangenna. Tupung mulih ia ku Betlehem, gejakenna maka ia mulih ku Dibata si simpar kekelengen. Mulih man Dibata bas kerina dampar kegeluhen e ngenca banci nambari pusuh si getem. Pang mulih aminna pe seh melana sabap mulih kempak Dibata maka si pagit dungna jadi entebu.

La persoalen piga kali ndabuh, tapi minterlah keke